

ОРОН НУТГИЙН ТӨСВИЙН 2023 ОНЫ ХӨРӨНГӨ ОРУУЛАЛТЫН ТӨЛӨВЛӨГӨӨНИЙ ХЭРЭГЖИЛТ, ҮР ДҮН” ГҮЙЦЭТГЭЛИЙН АУДИТЫН ТАЙЛАН

Орон нутгийн төсвийн хөрөнгө оруулалтаар 2023 онд 2,041.0 сая төгрөгийн төсөвт өртөгтэй 8 төсөл арга хэмжээг өмнөх оноос шилжүүлэн хэрэгжүүлэх, шинээр 2,525.5 сая төгрөгийн төсөвт өртөгтэй 20 төсөл арга хэмжээ нийт 4,566.6 сая төгрөгийн 28 төсөл арга хэмжээг хэрэгжүүлэхээр төлөвлөсөн байна.



₮ 817.0 САЯ
БАРИЛГА
БАЙГУУЛАМЖ



₮ 3,608.9 САЯ
ИХ ЗАСВАР




₮ 59.5 САЯ
ТОНОГ
ТӨХӨӨРӨМЖ



₮ 81.2 САЯ
ЗӨВЛӨХ
ҮЙЛЧИЛГЭЭ

Хөрөнгө оруулалтыг салбараар нь болон 2023 онд олгох санхүүжилтийн дүнг харуулбал байдалтай байна.



Орон нутгийн хөрөнгө оруулалтын 85.3 хувийг хэрэгжүүлж төлөвлөсөн үр дүнд хүрсэн байна.

АУДИТААР ИЛЭРСЭН ЗӨРЧИЛД ЗӨВЛӨМЖ, АЛБАН ШААРДЛАГА ХҮРГҮҮЛЭЭ.

№	Зөрчлийн товч утга	Зөрчлийн дүн (сая төгрөг)	Төрийн аудитын байгууллагаас гаргасан шийдвэр	
			Албан шаардлага	Зөвлөмж
1	Орон нутгийн хөрөнгө оруулалтаар хэрэглэгчийн хэрэгцээ техникийн нөхцөл олгогдоогүй, шаардлагад үндэслээгүй, урсгал зардал тооцоогүй, нийгэм, эдийн засгийн үр ашгийг тооцоогүй, байгууллагын өмчлөлд бүртгэх боломжгүй төсөл арга хэмжээг төлөвлөсөн зөрчил давтагдан гарч өмнөх аудитаар өгсөн зөвлөмжийг аймгийн Засаг дарга, иргэдийн Төлөөлөгчдийн Хурал бүрэн хэрэгжүүлээгүй байна.	80.0	1. Аймгийн ИТХ-ын дарга 2. Аймгийн Засаг даргад	
2	1. Спорт, соёлын өргөөний барилгын дээврийн засвар /Биеийн тамир спортын газар/ 2. “Төрийн албан хаагчийн нийгмийн баталгааг хангах ажлын хүрээнд төрийн албан хаагчдын орон сууцны засвар, өргөтгөл хийх” зэрэг төсөл, арга хэмжээ гэрээнд заасан хугацаанд дуусаагүй.			
3	Мөрөн сумын 15 дугаар цэцэрлэгийн барилгын дуусгалтын ажил /Мөрөн сум/ төсөл, арга хэмжээний нэгдүгээр бүлгийн өрөөнд угаалтуур байршуулах, хамар ханын өрлөг өрөх зэрэг ажлыг гүйцэтгээгүй.	-	Хөвсгөл барилга захиалагчийн хяналтын төвд	
4	Хөгжлийн бодлого төлөвлөлт, хөрөнгө оруулалтын хэлтэс нь өмнөх аудитаар өгсөн зөвлөмж, чиг үүргээ бүрэн хэрэгжүүлээгүй.	-	Хөгжлийн бодлого төлөвлөлт, хөрөнгө оруулалтын хэлтэст	
5	Аймгийн Засаг даргын Тамгын газар нь хэлтсүүдийн чиг үүргийг тодорхойлж, ажлын уялдааг хангасан баримт бичиггүй байна.	-		Аймгийн ЗДТГ-ын даргад
6	Тайлант оны жилийн эцсийн байдлаар ашиглалтад хүлээн авсан 4,064.9 сая төгрөгийн төсөвт өртөгтэй 24 төсөл, арга хэмжээнээс 3,229.2 сая төгрөгийн төсөвт өртөгтэй 17 төсөл, арга хэмжээний хөрөнгийг нягтлан бодох бүртгэлд тусгаагүй байна	3,229.2		1. Аймгийн ЗДТГ-ын дарга 2. Орон нутгийн өмчийн газарт

Аудитаар нийт 3,309.2 сая төгрөгийн зөрчил илрүүлж, 80.0 сая төгрөгийн 4 албан шаардлага, 3,229.2 сая төгрөгийн 5 зөвлөмжийг 6 байгууллага, албан тушаалтанд өгч ажиллалаа.

_____ооОООоо_____

АУДИТЫН ДҮГНЭЛТ:

Аудитын явцад цуглуулсан нотлох зүйл, аудитын дүнд үндэслэн дараах дүгнэлтийг хийв.

1. Аймгийн Засаг дарга нь хөрөнгө оруулалтыг хууль, тогтоомжид нийцүүлэн төлөвлөх, аймгийн иргэдийн Төлөөлөгчдийн Хурал нь төлөвлөлтийн шаардлага хангасан хөрөнгө оруулалтыг хянан, батлах чиг үүргээ хангалтгүй хэрэгжүүлж байгаагаас өмнөх онуудад өгсөн зөвлөмж хэрэгжээгүй, хөрөнгө оруулалтын төсөл арга хэмжээнүүд нь төлөвлөсөн үр дүнд хүрэхгүй байх үндсэн нөхцөлийг бий болгож байна.

2. Захиалагчийн хяналт нь гэрээний хариуцлагыг тооцож ажиллахгүй байгаагаас гэрээний хугацаа хоцрох, ажлыг зураг, төсвийн дагуу гүйцэтгээгүй зэрэг хөрөнгө оруулалтын төсөл арга хэмжээний үр нөлөөг тодорхой хэмжээнд бууруулж байна.

3. Ашиглалтад хүлээн авсан 3,229.2 сая төгрөгийн төсөвт өртөгтэй 17 төсөл, арга хэмжээний хөрөнгийг нягтлан бодох бүртгэлд тусгаагүй, Орон нутгийн өмчийн газар нь өмчийн талаарх чиг үүргээ хангалтгүй хэрэгжүүлсэн байгаа нь хөрөнгө оруулалтын хүрээнд бий болсон хөрөнгийн үнэ цэнийг бууруулах, үрэгдэх эрсдэлийг бий болгож байна.

4. Орон нутгийн төсвийн хөрөнгө оруулалтын 89 хувийг хэрэгжүүлж, төлөвлөсөн үр дүнд хүрсэн байна.

5. Аймгийн Засаг даргын Тамгын газар нь хэлтсүүдийн чиг үүргийг бүрэн тодорхойлж, ажлын уялдааг хангаагүйгээс хөрөнгө оруулалтын техникийн тодорхойлолтыг хариуцсан хэлтэс нь боловсруулаагүй, чиг үүргээ хангалтгүй хэрэгжүүлж байгаа зөрчил давтагдан гарсан байна.

_____oo000oo_____